

128

27.

DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICA.

CARDINALITIIS DISPUTATIONIBUS,
manè discutienda in Scholis Medicorum die Jovis 16. Martii
M. DCC. XLI.

M. PETRO LE TONNELIER,
Doctore Medico, Præside.

An præcavendis morbis convulsivis frugalitas?

I.

QUA M infelicitè nascitur homo ! Nunquid quantò dignitate superior cæteris animantibus, tantò iidem morborum omnium colluvione inferior ? Diverfos vitæ ejus gradus percurras, quid miserius ! De maternis ostiis inermis egreditur. Ululatu fœmineo & vagitibus ortum suum signat. Crescit ille, crescunt sortis humanæ incommoda. Jam adultus, quantas, prohi dolor, ærumnas experitur ! Undequaque imminet improvisa pericula ; feroces vix componit motus. Conversis studiis ætate vitili non felicior. Quam varios patitur manes, quam furentibus jactatur procellis ! Dum quærît opes, amicitias ; dum intervit honori, novo æstu turbatur animus, alio sub sole terras lustrat, vasta remis fodit æquora, togæ & belli labores suscipit anhelus. Tandem rapide in deterius mutatur, senescit obrutus miseris. Interim morborum omnium sæcunda evolvuntur germina, quæ per totos artus diffusa flaccidam agitant molem donec nox incubat atra. Singulis sua ultima dies, quam præterire nemini datum, placide ad illam pervenire solis temperatissime viventibus. Constituit Deus nostræ durationis apicem & nostræ vitæ terminos. Ut illos gula dimidiare potest, debira victus ratio servare non impar, quidquid contra jactitent medicinæ hostes insensissimi. Prævidit quidem Omnipotens intemperantiæ vitia, non præsinivit. Suo igitur arbitrio relictus homo præcoccem interitum si declinare voluerit, caveat ne det se ipsum præcipitem, crapulâ & vino ; ab eis multis consultus abstineat. Hâc arte corpus tot machinis stupendis instructum, tot mirandum functionibus, diu servabit incolume. Tenui victu, solidorum consona compages, fluidorum decens copia & reciprocatio, Spirituum animalium concinna ordinationes. Horum ope Substantia corporis experts cum Materiali copulatur, utriusque felix necessitudo mire sustentatur. Tam laudabilis corpus inter & animam harmoniæ, quam Divus Senex & Galenus symetiâ vocat, omnium actionum decus & robur præ se ferentis causa unica, effectiva & conser-

A

vativa salubris victus ratio. Illa posita², spiritus semper sociabiles & amici, nullam seditionem molientes, nec a debita crassi recedentes, constanti affluxu & benigno nervosum genus irradiant, motum tardiozem, celeriozem, fortiozem, debiliozem partibus inferunt prout earum Mechanica postulat aut Voluntaris imperium exigit.

I. I.

PRISCA gens mortalium animi dotibus eximia, corporis statu spectabilis in bene vivendi normâ, à diætâ scilicet, latus imperturbatâ serie exhauriebat dies. Lentè mortalium vita aliquid detrimenti patiebatur. Ejus stamina ad Nestoreos annos feliciter producebantur, utriusque sexus splendebant lepores. In debita victus ratione mortales commendabar animi: venustas illaesa. Quis frontis honos! Quæ gratia! Quam blanda & incolumis genarum conditio! Quantum robur circa pectus aheneum! Quæ membrorum congrua proportio! Qualis illorum herculeus vigor! Non tempus edax frontem rugis sulcabat, nec ex utraque parte recedentes genæ, pelles videbantur; Non quâ parte solent rubescere, purpuris indigebant mulieres, vegeti sanguinis loco: Non buxeus illarum color, non viridis: Non calvos & porrigine fœdos adscitici cæsaries fraudulenter adornabat. Imò sine lege capilli, & sine pulvere odorato, elegantius unumquemque decorabant. Quæ omnia corporis & animi ornamenta ut uni accepta testes frugalitati, discere antiquæ abstinentiæ documenta, quâ usi fuere Veteres. Vinum bibisse mulieribus perinde erat ac si in adulterio deprehensæ; Cum illis sæpe basibus ludebant viri, ut ore explorarent, an illarum spiritus acer. Si hydropotæ mulieres, viri abstemii. In militiâ vinum interdictum apud multos populos, ex instituto Platonis, nisi sacrorum causâ. Epicurus ipse voluptatis assertor acerrimus, frugali victu & modesto contentus, aquâ & pane hordaceo, jure nigro victum quesivit; Non quod voluptates averfaretur, sed quod in tenui victu plus voluptatis illecebrosa se experiri aiebat. Eadem vigebar Athenis victus ratio: falsamenta juvenibus apponere criminosum. Tantæ frugalitatis Philosophi omnes, ut mensam, quamvis parcam, omnino vacuum tolli non sinerent. Si secunda fortè mensa daretur, mel tantum, poma, caricæ. Platonis cœna lautissima, olea, legumina. Quid de Curio Dentato tot dignitatibus insigni, tot victoriis claro; qui sæpe solis rapis obsonium parare inventus est? Quid de Lycurgo dicta, leges de coercendis epularum sumptibus sanciente? Multos alios non ostento, quia plures. Illorum vestigiis cautus insiste; Non properata erit senectus, non effæcto corpore præmature laxa cutis & tremula; imo licet ævi plenus, in exhaustis eris vigoris, & ultra hodiernam valentiam conspicuus.

I. I. I.

UNUMQUEMQUE sua vexat cura, omne vitium martyres suos habet. Ingluviei obnoxios torquet spasmus, cruciant morbi convulsi. Dapibus indulgentes, etiam si firmo & robusto corporis habitu; etiam si mole grandiores, sub pondere vitiose diætæ gemunt & syderantur. Illorum spiritus effiani & indomiti diras tempestates commovent. Non amplius homo, ut Galenus ostendit, in toto animalium genere medium temperie tenet. In illo, ut ita dicam, abolita creatoris sapientia, cor ejus resiliit & tumultuatur; Fluidum spirituosum ex lex debacchatur & furit. Hinc subsultus membrorum, strangulatus, phlogoses, asthmata convulsiva, vertigines, somnolentiæ, vigiliæ. Prava diætâ, si diu perseveret, oleum camino adjicit. Tunc mentis angor, visiones terrificæ, absque febze deliria recurrentia; in dies magis ac magis stupenda explicantur symptomata sibi invicem contraria, & tam specie variantia, quam nec Proteus fuit un-

quam! Sæpe enim in quibusdam partibus spirituum animalium intercluduntur semitæ; tunc sub cinere doloſo iidem spiritus ignem ſuſcitant, & fracto obice, furibundi catervati irruunt per multas regiones. Unde dolores atrociffimi, horrendæ convulſiones, epilepſiæ, apoplexiæ, incendia multa, dum aliæ partes languidæ rigent, frigefcunt, ſpiritibus aliò raptis. modo totum nervoſum genus ita enormiter comploditur, ut nullis partibus parcat. Tandem inteſtinus ille hoſtis, incola cerebri, cruciamentis ita frangit animi robur, ut dæmonas mul- ti credant ſe in corpore geſtäre. Tot mala, tot funeſta incommoda vitant ſo- brii, declinant temperantes paucis contenti; iis enim aluntur quæ naturæ ſunt familiaria, & re, non nomine ſunt alimenta: nocet multiplex cibus & in perni- ciam ducit. Imtemperantia ſanguinem inquinamentiſ inſicit, cerebrum enervat, in eoque fodinam acrem, ſalinam, nimis elaticam ſceleſto commercio produ- cit, tota ejus ſubſtantia depravatur, illius laxantur pori. Sic particula heteroge- næ vellicantes, agreſtes, iniquo affluxu non repreſſo, illos pervadunt. Hinc ſpiritus fermento internecino ſaturati crudeliter exiliunt, & quidquid delirant, miſerum plectitur nervoſum genus.

I V.

QUID QUID in horas vitæ detrahatur, per alimenta utcumque reſtituitur. Illorum ope portionis amiſſæ perpetua reparatio partibus elapſis conſenta- nea. Parcæ dapes ſcilicet, firmant bene habitos, renovant defectos, faſti- dioſos ad appetentiam revocant, omneſque ad laborem durabiles efficiunt: unde cibi mediocritatem poſtulat Divus Senex, quæ neque inſtrâ, inquit, neque ſuprà modum excedat. Conveniens enim cum convenienti coheret; tunc conſtatio una, conſpiratio una, conſentientia omnia. Hæluo indoci- lis regulam pati, olla ferventiſ amans, neque paucis, neque melioribus uti- tur, jucundè ſapit deteriora, eleganter eſurit, ſitit pretioſius, eſculento- rum varietati licentius obſequens ſæpe. Quidquid à recepto uſu alienius inhiat, & ut titilletur acrius, variis hauſtibus ardentem ſitit incaſſum levare quærit. Qui noſtris malis cumulus non accederet! Tanta eſt conviviorum luxu- ries, quantum & ipſi epulones non probant. Noſtriſ temporibus ſalentior molliſſimorum hominum ventriculus? An in illo vividior alimentorum ſubactio! O nefariè eruditæ & patentes gulæ à coquo laudem turpiter quærentes! O terri- biles ventres, qui tot agros beſtiis, tot ſylvas avibus ſpoliant vix è matre edu- ctis, quorum non juſtam ætatem expectant feſtinantes gulæ! Hæ nocibiles pri- mitiæ ſi ad guſtum edentium, ſi ad ſolatium palati, certè ad nervoſi generis ſupplicium, ſed in illis, pretium & novitas placent. Quam opulenter delirant gulofî, illorum triclinia quaſi templa adornantur. Apud illos abaci gemunt ſub pondere argenteæ ſupellectilîs; Vaſa aurata, doctâ arte elaborata, & variæ ca- pacitatis corruſcant; Patinæ, lances, orbes operoſe celaturæ materiâ ſupe- rantis undique fulgent. Huc igitur accedite lurcones guſtationis & promulſidum odor vocat. Vos accerſit epuli dominus; trinis ferculis cœnam parari juſſit, & pyramides erexit convivarum ſtomachis. Cœnate, juſ eſt cœnæ. Ad lautiores ci- bos, mox ſecunda dabitur menſa. Ecce maſtatas pecudes, perdicum, leporem, eſ- carum omnium ſtrues, ſervorum aſſert frequentia, ciborum præſecto præeunte; dapes ſciſſor aggreditur, lacerat & ad numerum cœnantibus dividit. Hinc & il- linc ſæcundi calices lucent & plus vini in menſam affunditur, quàm quis in cel- lârâ habet. Jam convivæ ebriis proximi cantilenis gaudent & exultant. Ecquid den- tes otioſi! num dapes reſponſant palato! Quid igitur in tertio ferculo novis gu- læ irritamentiſ onerato! Quid in ſummâ menſa bellariis conquiſitis & vario colo-

re formata, ubi unicuique iterum exsiccanda lagena assignatur & liquoribus omni-
nigenis ardentibus, parulis faucibus litandum est. In tam diversis, tam viriosis
succis malè elaboratis stomachum gravantibus, non minima certe disjunguntur
à minimis, non spirituosà à fœculentis, non blanda à nocentibus; Indiscriminatim
illi insolentes ventriculi fœtus horrendi, poros cerebri pervadunt, ebullit san-
guis, æstuant spiritus, multumque faciles nervi in omnem partem holidè rapiuntur.

V.

DE victûs ratione primus scripsisse gloriatur Hippocrates: à me, inquit, in-
venta victûs ratio à nullo adhuc antea tentata, & mihi inventori pulchra
videtur; Pulchra equidem præcognitio illa, quæ antequam ægrotent mortales,
in eodem servat statu, utque prior & antecedit alias medicinæ partes etiam di-
gnitate major. Unde Galenus quicumque ægrotabilia novit, hunc præcipue salu-
bria non latere debent, quæ nihil aliud sunt quam perfectio prima, quæ bo-
num & præsentem statum custodit. Tanto beneficio carent homines ventri dedi-
ti; illis auxiliares manus sæpe præbendæ. Nec te fallat carnulenta illa, quam
circumferunt, rotunditas. Miseris tantum, ne invidas. State videntur, te ipsâ
non stant. Tantumque differunt ab antiquâ gente, quantum à vernis fronsibus
autumnales, quas levis aura discutit. In eis multis erit infirmitas magna ex Sacr.
Cod. Ab illis vel nimis rigida fibræ crispantur, vel laxæ nullius sunt vigoris.
Imitetur ergo saltem quas natura docet, pecudes homo. Illæ docent agendo;
Nam sive terrestres, sive squammigera, non omnem succum alibilem studiosius
appetunt, sicuti hœlluones. Horum itaque funerati nervi nullam corroborant
partem. Ruri degentes, qui naturam sequuntur ducem, simplici victu contenti,
proxima non spernunt. Ideo spiritu animalium compage affabrè constituta do-
nantur, hujus discerniminis causam expostulas? Urbanorum coquos numera, habe-
bis, Cœnarum ergo salubrem artem, si velis assequi, prandio modico, deambu-
latione, fame obsonium para, ut Anyti reus. Ex longinquo orbe & magno censu
comparata alimenta rejice; Ubi nascimur natura simplex parat cibos. Non sum-
ptuosà sit mensa, nec diu te teneat: lecti sint viri, lectus sit locus, & licet cibi
pauci, non totos absorbe, vacuis venis nihil nisi leve committe: quæ alvum
humidant elige; Illa iratum ventrem placant, alia pervellunt. Ne offeras, inquit
Divus Senex, quæ ventrem attollunt, & flatum creant. Convulsionibus tentantur
iis vescentes. *Sanct. Chrysest. audias*: Ventri servientes animi robur & constantiam
dissolvunt. Sic & Galenus: Venter crassius subtilem spiritum non parit. Ne damno-
se & meracius bibas, dilutissimæ sint potiones, tantum dentur poscentibus. Ca-
ve ne sordida mappa corruget nares, calices & lanx ostendant te tibi, sermones
tandem sint prisce Cætonis. Si tali victu uraris, mens erit sana in corpore sano &
longa servabitur adolescentia. Qui philosophiam illam pythagoricam respuunt
Medici, faucibus Divitum grati, vere histriones, non morbos debellant, imò
dulcibus alunt venenis & morbis convulsivis assuefaciunt corpora, iis non libe-
rant.

Ergo præcavendis morbis convulsivis frugalitas.

Proponebat Parisiis LUDOVICUS-RENATUS DESBOIS, Flexiensis,
Doctor Medicus Monspelienfis, Baccalaureus Medicus, A. R. S. H. 1741.
à sextâ ad meridiem.